

ხელშეკრულება

სახელმწიფო შესყიდვების შესახებ № ----

წინამდებარე ხელშეკრულება დაიდო 2018 წლის ----- (შემდგომში „ხელშეკრულების ძალაში შესვლის თარიღი“) ერთის მხრივ, შპს „სპორტშენსერვისი“ (შემდგომში „შემსყიდველი“) წარმოდგენილი მისი დირექტორის ლევან ტარყაშვილის სახით და მეორეს მხრივ -----ს შორის (შემდგომში „მიმწოდებელი“), წარმოდგენილი მისი დირექტორის ----- სახით

ვინაიდან, შემსყიდველმა ჩაატარა გამარტივებული ელექტრონული ტენდერი (განაცხადის ნომერი -----) შპს შპს „სპორტშენსერვისი“-სთვის ბუნებრივი აირის (კლასიფიკატორის კოდი CPV09123000) სახელმწიფო შესყიდვაზე;

ვინაიდან, გამარტივებულ ელექტრონული ტენდერში გამარჯვებულად მიჩნეული იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება მიაწოდოს შემსყიდველს ბუნებრივი აირი, რომლის საერთო ფასი შეადგენს ----- (-----) ლარს საქართველოს კანონმდებლობით გათვალისწინებული გადასახადების ჩათვლით;

მხარეები ურთიერთშეთანხმების შესაბამისად და სახელმწიფო შესყიდვების შესახებ საქართველოს კანონმდებლობის საფუძველზე ვდებთ წინამდებარე ხელშეკრულებას და ვთანხმდებით შემდეგზე:

1. გამოყენებული ტერმინების განმარტებები

1.1 „სახელმწიფო შესყიდვების შესახებ ხელშეკრულება“ (შემდგომ – ხელშეკრულება) - „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „შემსყიდველი ორგანიზაცია“ (შემდგომ „შემსყიდველი“) - ორგანიზაცია (დაწესებულებას), რომელიც ახორციელებს შესყიდვას;

1.3 „მიმწოდებელი“ - იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვების შესახებ;

1.4 შესყიდვის ობიექტი/საქონელი - წინამდებარე ხელშეკრულების ფარგლებში ნიშნავს ბუნებრივ აირს (კლასიფიკატორის კოდი - CPV09100000), რომლის შესყიდვასაც ახორციელებს შემსყიდველი წინამდებარე ხელშეკრულების პირობების შესაბამისად.

1.5 ხელშეკრულების ღირებულება - ნიშნავს საერთო თანხას, რომელიც უნდა გადაიხადოს შემსყიდველმა მიმწოდებლის მიერ შესყიდვის ობიექტის სრულად მიწოდების სანაცვლოდ.

1.6 „დღე“, „კვირა“, „თვე“ - ნიშნავს კალენდარულ დღეს, კვირას თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების საგანი

2.1. ხელშეკრულების საგანი არის შესყიდვის ობიექტი - ჯამში 1000მ³ დაწნეხილი ბუნებრივი აირი (საავტომობილო გაზი) შესყიდვის ობიექტის შესახებ დეტალური ინფორმაცია (საქონლის მახასიათებელი, მოცულობა, ერთეულის ფასი) დანართი №1-ის სახით თან ერთვის წინამდებარე ხელშეკრულებას და მის განუყოფელ ნაწილს წარმოადგენს.

3. ხელშეკრულების ღირებულება

3.1 ხელშეკრულების საერთო ღირებულება შეადგენს ----- (-----) ლარს საქართველოს კანონმდებლობით გათვალისწინებული გადასახადების ჩათვლით; ხელშეკრულების ჯამური ღირებულება

მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

3.2 შემსყიდველი საქონლის შესყიდვას ახორციელებს მის საკუთრებაში მყოფი/მის მიერ დაქირავებული ავტომობილისათვის 10მ³ ნომინალის სპეციალური ტალონების (შემდგომში „საწვავის ტალონები“) გამოყენებით დანართ 2-ში მოცემული მიმწოდებლის მფლობელობაში არსებულ ავტოგაზგასამართ სადგურზე მათი განაღდებას გზით. საწვავის ტალონები გადაეცემა შემსყიდველს წინამდებარე ხელშეკრულების 3.3 პუნქტით განსაზღვრული პერიოდის განმავლობაში შემსყიდველის წერილობითი მოთხოვნიდან (მათ შორის ელექტრონულად გაგზავნილი ფორმით, საკონტაქტო პირის შესახებ ინფორმაცია მოცემულია დანართში) 3 (სამი) სამუშაო დღის ვადაში მისამართზე, ქ.თბილისი, -----, საწვავის ტალონების გადაცემის შემდგომ მხარეთა შორის ფორმდება „საწვავის ტალონების შემსყიდველისთვის გადაცემის მიღება-ჩაბარების აქტი“, რომელიც ადასტურებს შემსყიდველისთვის საწვავის ტალონების გადაცემის ფაქტს.

3.2 მიმწოდებელი უფლებამოსილია საჭიროების შესაბამისად მოახდინოს დანართი-2-ის მე-2 პუნქტით გათვალისწინებული რომელიმე მოძრავი ავტოგაზგასამართი სადგურის ადგილმდებარეობის შეცვლა ან მისით მწყობრიდან გამოსული სტაციონარული ავტოგაზგასამართი სადგურის ჩანაცვლება ბუნებრივი აირის შემსყიდველისთვის შეუფერხებლად მიწოდების უზრუნველყოფის მიზნით.

3.3 მიმწოდებელი საწვავის ტალონების შემსყიდველისთვის გადაცემას და საწვავის მიწოდებას ახორციელებს წინამდებარე ხელშეკრულების ხელმოწერიდან 2018 წლის 31 დეკემბრის ჩათვლით. აღნიშნული ვადის გასვლის შემდეგ შემსყიდველის მიერ ტალონების გამოყენება დაუშვებელია.

4. შესყიდვის ობიექტის მიღება-ჩაბარების წესი

4.1 საწვავი ყოველი კონკრეტული მოცულობით მიწოდებულად ჩაითვლება შემსყიდველისთვის გადაცემული საწვავის ტალონის 3.2 პუნქტით გათვალისწინებულ ავტო გაზგასამართ სადგურზე განაღდებათ („საწვავის მიწოდება“). საწვავის მიწოდების შემდგომ 5.1 პუნქტით გათვალისწინებული ანგარიშფაქტურის საფუძველზე მხარეთა შორის ფორმდება „შესყიდვის ობიექტის შემსყიდველისთვის მიწოდების მიღება-ჩაბარების აქტი“, მიწოდებული საწვავის რაოდენობის მითითებით, რაც ადასტურებს მიმწოდებლის მიერ ნაკისრი ვალდებულებების შესრულებას.

4.2 „შესყიდვის ობიექტის შემსყიდველისთვის მიწოდების მიღება-ჩაბარების აქტის“ გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

5. ანგარიშსწორების ფორმები და ვადები

5.1 ყოველი თვის ჭრილში შემსყიდველისთვის ფაქტობრივად მიწოდებული ბუნებრივი აირის რაოდენობის მიხედვით მიმწოდებელი არაუგვიანეს მომდევნო თვის 10 რიცხვისა გამოუწერს შემსყიდველს ანგარიშ-ფაქტურას ფაქტობრივად შესყიდულ საწვავზე. შემსყიდველი ვალდებულია საგადასახადო კანონმდებლობით დადგენილი წესის დაცვით ასევე ელექტრონულად მოახდინოს ანგარიშ-ფაქტურის დადასტურება.

5.2 შესყიდვის ობიექტის ღირებულება დაიფარება, „შესყიდვის ობიექტის შემსყიდველისთვის მიწოდების მიღება-ჩაბარების აქტის“ გაფორმებისა და ანგარიშფაქტურის გამოწერიდან არაუგვიანეს 10 (ათი) სამუშაო დღისა.

5.3 მხარეები თანხმდებიან, რომ შემსყიდველს არც ერთი საფუძველით არ შეუძლია სადავო გახადოს მისი მხრიდან 5.1 პუნქტში მითითებული შესაბამისი ანგარიშ-ფაქტურის ელექტრონულად დადასტურების ფაქტი;

5.4 ანგარიშსწორება ხორციელდება უნაღდო ანგარიშსწორების წესით, ეროვნულ ვალუტაში, თანხის მიმწოდებლის საბანკო ანგარიშზე ჩარიცხვის გზით. საბოლოო ანგარიშსწორება უნდა განხორციელდეს არაუგვიანეს 2019 წლის 31 იანვრისა.

6. მხარეთა უფლება-მოვალეობანი

6.1. შემსყიდველი ვალდებულია:

6.1.1. აცნობოს მიმწოდებელს ყველა იმ გარემოების შესახებ, რომელმაც შესაძლოა შეაფერხოს ხელშეკრულებით გათვალისწინებული ვალდებულებების შესრულება;

6.1.2. ხელშეკრულებით გათვალისწინებული პირობების შესაბამისად, დროულად და შეუფერხებლად აუნაზღაუროს მიმწოდებელს საწვავის ღირებულება;

6.1.3 აუნაზღაუროს მიმწოდებელს ის ზიანი, რაც გამოწვეულია მის მიერ ნაკისრი ვალდებულებების

2 შეუსრულებლობით ან არაჯეროვანი შესრულებით;

6.2. შემსყიდველს უფლება აქვს:

6.2.1 მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

6.2.2 მოითხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

6.3. მიმწოდებელი ვალდებულია:

6.3.1. დაიცვას ხელშეკრულებით გათვალისწინებული ყველა პირობა;

6.3.2. აცნობოს შემსყიდველს ყველა იმ გარემოების შესახებ, რომელმაც შესაძლოა შეაფერხოს ხელშეკრულებით გათვალისწინებული ვალდებულების შესრულება;

6.3.3 აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით.

6.4. მიმწოდებელს უფლება აქვს:

6.4.1. მოითხოვოს შემსყიდველს მიწოდებული საწვავის ღირებულების დროული ანაზღაურება ხელშეკრულებით გათვალისწინებული პირობებით;

6.4.2 მოითხოვოს შემსყიდველს იმ ზიანის ანაზღაურება, რაც გამოწვეულია შემსყიდველის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

6.4.3 მოითხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

7. პირგასამტეხლოს ხელშეკრულების პირობების შეუსრულებლობისათვის

7.1 ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.5%-ის ოდენობით.

7.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 3%-ს, მხარე იტოვებს უფლებას შეწყვიტოს ხელშეკრულება და მოითხოვს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს და ზიანის ანაზღაურება.

7.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

8. ხელშეკრულებაში ცვლილებების შეტანა

8.1 ხელშეკრულების მხარეს არ აქვს უფლება ცალმხრივად შეცვალოს ხელშეკრულების პირობები. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობით ფორმით, მხარეთა შეთანხმების საფუძველზე.

8.2 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8.3 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.4 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

9. უფლებების გადაცემა და სუბკონტრაქტორები

9.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გასცეს მოცემული ხელშეკრულებით არსებული თავისი ვალდებულებები მესამე პირს.

9.2 ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბკონტრაქტორ(ებ)ის აყვანის ან შეცვლის შესახებ (სუბკონტრაქტორის აყვანის აუცილებლობის მიზეზების დასაბუთებით). სუბკონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკებების საფუძველზე, რომელიც გაფორმდება წერილობითი ფორმით წინამდებარე ხელშეკრულების დამატების სახით.

9.3 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს

შემსყიდველს.

9.4 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებისგან.

9.5 მიუხედავად წინამდებარე პუნქტით გათვალისწინებული დებულებებისა, შემსყიდველი წინამდებარე ხელშეკრულებაზე ხელმოწერით ადასტურებს, რომ მისთვის ცნობილია, რომ მიმწოდებლის მიერ საწვავის მიწოდება განხორციელდება მისი და მისი აფილირებული კომპანიების საკუთრებაში არსებულ ავტოგაზგასამართ სადგურზე.

10. ხელშეკრულების შესრულების კონტროლი

10.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განხორციელონ კონტროლი მიმწოდებლის მიერ ნაკისრი ვალდებულებების შესრულებაზე და საკუთარი სახსრებით განხორციელონ მომსახურების ხარისხის პერიოდული ინსპექტირება;

10.2 ინსპექტირება გულისხმობს მიმწოდებლის ხელშეკრულების პირობების შესრულების კონტროლს ნებისმიერ ეტაპზე. კონტროლის შედეგად გამოვლენილი ხარვეზების აღმოფხვრა ხდება მიმწოდებლის მიერ ინსპექტირების შედეგებზე თანხმობის შემთხვევაში.

11. ფორსმაჟორი

11.1 ხელშეკრულების პირობების ან რომელიმე მათგანის მოქმედების შეჩერება ხელშეკრულების პირობების შეუსრულებლობა ან დარღვევა ათავისუფლებს მხარეს ყოველგვარი პასუხისმგებლობისგან.

11.2 ამ მუხლის მიზნებისთვის „ფორს–მაჟორი“ ნიშნავს მხარეებისთვის გადაულახავ და მათი კონტროლისგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდებრობასთან, რომლებსაც გააჩნია წინასწარ გაუთვალისწინებელი ხასიათი. სხვა გაუთვალისწინებელ გარემოებებთან ერთად ასეთ გარემოებებში იგულისხმება რომელიმე ავტოგაზგასამართი სადგურების მწყობრიდან გამოსვლა/ავტოგაზგასამართ სადგურზე ბუნებრივი აირის მიწოდების შეჩერება მიმწოდებლისგან დამოუკიდებელი მიზეზით, ომი, სტიქიური მოვლენები, ეპიდემია, ემბარგო, საბიუჯეტო ასიდნებების მკვეთრი შემცირებით, ავტოგაზგასამართი სადგურების მწყობრიდან გამოსვლით.

11.3 ფორს–მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და გამოინახოს ისეთი ალტერნატიული ხერხები, რომლებიც დამოუკიდებელი იქნებიან ფორს–მაჟორული გარემოებების ზეგავლენისაგან.

12. ხელშეკრულების შეწყვეტა

12.1 ხელშეკრულების ერთ–ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

12.2 ხელშეკრულების მხარე რომელიც მიიღებს ასეთ გადაწყვეტილებას ვალდებულია გონივრულ ვადაში შეატყობინოს (შესაძლებელია ელექტრონული ფორმით) მეორე მხარეს მიღებული გადაწყვეტილება.

12.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

12.4 ხელშეკრულების შეწყვეტა პირობების დარღვევის და ვალდებულების შეუსრულებლობის საფუძველით არ ათავისუფლებს მხარეს ხელშეკრულების შეუსრულებლობით გამოწვეული პასუხისმგებლობისგან.

12.5 გარდა წინამდებარე მუხლით გათვალისწინებული საფუძველებისა, მხარეს უფლება აქვს მიიღოს გადაწყვეტილება ხელშეკრულების შეწყვეტის შესახებ:

ა) თუ მისთვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულების პირობების შესრულებას, ხელშეკრულების შეწყვეტამდე 3 (სამი) დღით ადრე მეორე მხარისთვის გაგზავნილი წერილობითი შეტყობინების საფუძველზე.

ბ) საქართველოს კანონმდებლობით გათვალისწინებულ სხვა შემთხვევაში.

12.6 ამ მუხლის 12.5 პუნქტში მითითებულ შემთხვევაში შემსყიდველი ვალდებულია აუნაზღაუროს მიმწოდებელს ფაქტიურად მისთვის მიწოდებული საწვავის ღირებულება ან დააბრუნოს გაუნაღდებელი ტალონები.

13. დავების გადაწყვეტის წესი

13.1 ხელშეკრულების მხარეები თანხმდებიან მასზედ, რომ ყველა ღონეს იხმარენ, რათა მოლაპარაკების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

13.2 თუ შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

14. სხვა პირობები

14.1 წინამდებარე ხელშეკრულება ძალაშია მხარეთა მიერ ხელმოწერის დღიდან და მოქმედებს 2019 წლის 31 იანვრის ჩათვლით, ხელშეკრულების ვადის გასვლა არ ათავისუფლებს მხარეებს ხელშეკრულების შეწყვეტამდე არსებული ვალდებულებების შესრულებისგან.

14.2 მიმწოდებლის რეკვიზიტები და საიდენტიფიკაციო ინფორმაცია, ასევე მისამართი და ელექტრონული ფოსტა რომელიც გამოყენებული იქნება წინამდებარე ხელშეკრულების ფარგლებში კორესპოდენციის მისაღებად დანართი 2- ის სახით თან ერთვის წინამდებარე ხელშეკრულებას და მის განუყოფელ ნაწილს წარმოადგებს.

14.3 ხელშეკრულება შედგენილია ქართულ ენაზე 2 (ორ) ეგზემპლარად და ორივეს აქვს თანაბარი. იურიდიული ძალა.

შემსყიდველი:

მიმწოდებელი:

შპს „სპორტმშენსერვისი“

ს/კ 204878542

იურიდიული მის: ქ.თბილისი, ჩოლოყაშვილის გამზ.9

ფაქტიური მის: ქ.თბილისი, უნივერსიტეტის ქ. #15ა

ელ.ფოსტა:

საბანკო რეკვიზიტები: ს/ს „ტერა ბანკი“

ბანკის კოდი: TEBAGE22

ა/ა: GE08KS0000000360800806

დირექტორი:

დირექტორი
ლევან ტარყაშვილი
